


冯本瑜补订

敬空龜經章一卷

FILTER CIGARETTES

Kangshou

FACTURED BY CHANGSHA CIGARETTE FACTORY, HUNAN



湖南
長沙
門牌
四一
號

湖南
長沙
門牌
四一
號

湖南長沙門牌四一號

湖南長沙門牌四一號

湖南長沙門牌四一號

凡求名利福壽子嗣無不響應

重刊敬竈章 附刻靈驗記

湖南新化縣南門內

有元堂藏板

重刻敬竈章序

陶君隆泰善士也日者憫人之不善欲引之共歸於善因勸同志者捐資刻敬竈章全部傳送而屬余爲序余惟夫竈之爲神奏善惡司災祥者也竈於人最近故竈神察善惡爲尤悉而其降災祥爲不爽今之人求嗣求壽求名求利者比比也然所祈者或數十里外或數百里外而於竈反忽之其愚者既日與竈處相習爲常而不知敬而一二明曉之

蘇竈章後序
人亦不過按期致祭香燭跪拜究非出於心之誠敬
嘻其亦未得敬竈章而盥讀焉耳是書八章係竈
神降筆張文應家意在喚醒世人彼讀書稽古者或
譏其文詞淺俚然試問爲學之道有外敬天奉神者
有外奉祖孝親者乎有外和睦六親者乎舍是而爲
學特記誦詞章而已於道奚裨哉至於重惜五穀即
聖人節用之心痛惜生靈乃仁者愛物之德均於道
無背焉禮諸侯無故不殺牛士無故不殺犬豕則戒

食牛犬宜急矣書字者所以表道德記功業尤人所
當敬惜若夫教訓婦女則又本內則女誠之意而顯
揭之者也是書也文雖淺而理自深詞雖俚而意則
美深者見之有益於學問淺者見之足警其心思夫
自吾人論之但使有益身世即行之無效猶必遵其
言而致其敬况報應彰彰固有不差毫末者哉然則
求嗣求壽求名求利者尚其奉八章而行之不急以
常致其誠敬之心行見萬福攸同百祿是荷斯無負

竈神救世之婆心亦即無負陶君傳送之善念也
夫

咸豐六年丙辰歲中秋前二日梅城羅澤謹序

刊刻敬灶章叙

嗟夫塵緣滾滾世俗茫茫名拴利鎖昧失原鄉顛倒曲
直以真作假難分愚昧貪嗔引出諸般惡病至使見善
美而如惡惡臭視惡事而如好好色所以勞碌奔波多
爲尊卑不辨世人得種種之病聖人設種種之方儒
設五經四書教典佛設三藏九品靈文道遺五品
道德感應凡諸聖祖仙佛皆遺有醒世垂訓教言古今
書籍垂訓典章紛紛不一只爲世人多病而設奈乎世

人迷昧痴貪毫無轉念辜負先聖一片婆心矣余自去
歲出外叅遊途中偶遇一友彼此相契察其原處係定
遠縣生吳邱川棄俗投玄道號春林子言談之間隨奉
寫冊一本啟曰汝之眼界猶寬將此梓行曉世大有功
德也余接而閱之外書曰敬灶章三字翻而視之俱係灶
君顯化之條伏而誦之其訓均與三教之經典全指其
吉凶禍福明言直講毫無隱諱凡讀書士子一見而知
本讀書之男女一聽而曉看者觸目聞者警心初視之

顯然淺俗細閱之滋味猶深况係居家老幼男女時行
日用之條竝非深奧擇其棄愚賢難作難爲之事依此訓
而淺學能治家治國持此章而深進能成聖成仙真乃
神聖有普濟之心也余對友曰神聖有如此濟世之德
我等又何敢辭微勞余雖是一輩庸愚亦蒙神天育化
正當體貼奉行遂與友一別將此章携回因凡事拮据
未梓今歲募化鳩工刊刻奉行但願仁人得遇此章者
常常解說聽之者如金如玉行之者滿門福祿余之願

也是爲叙

道光壬寅年蒲月中浣日青城晚學全陽子錄

重鐫敬竈章序

家有

司命之神。聰明正直者也。淮南子汜論訓。炎帝作火官。死而爲灶神。後漢陰興傳。陰子方臘日晨炊而灶神形見。因以黃羊祀之。又雜五行書。灶神名禪。字子郭。其非虛無。愴可知矣。况神而聰明。則於人是非善惡。考察最真。神而正直。則於人休咎災祥。降鑒不爽。故凡外神於人家。皆遠而惟

竈神於人家至近感應篇云三尸神在人身中每
到庚申日輒上詣天曹言人罪過月晦之日灶
神亦然。是月晦而外無時不明明赫赫如在其上。
甚未可褻慢不敬也。獨怪世之人求名求利求嗣
求壽。往往去遠處禱廟焚香而

司命之神。近在家中。反不知敬禮祈福。不大謬歟。且夫
敬者。非遇節期燈燭輝煌衣冠拜跪之謂。謂必平
日仰體神意敦孝弟重人倫滌慮洗心省愆改

過不食牛犬不殘生命諸惡莫作衆善奉行如是
之謂敬。顧念自古神聖皆傳有醒世訓俗之文。而
司命僅於前明江右俞淨意先生遇竈神記有訓語。

百餘言。餘遂罕見。人亦習焉不察。予深慨之。今歲
仲秋戴家寺善士胡君允敬聶君小衡胡君二峰
黃君大林李君小山以其倡首募化重鐫。桃園
明聖經註釋屬予序。既序之矣。又寄敬灶章一卷。
屬簡端。予固極知

灶神司一家男女性命吉凶禍福善者降祥惡者降殃不差毫末茲又得敬灶章刻本伏而讀之自敬天奉神至教訓婦女凡八章言雖淺近婦孺皆知理則深微聖賢不外誠有關世道足醒冥頑予向慨其罕見今獲見焉喜可知尺重以胡君聶君胡君黃君李君之請不敢以謏陋辭謹為作序伏願世之善男信女於八章內逐句身體力行母口誦而心違毋始勤而終怠持之久人求嗣得嗣求壽得

壽求名得名求利得利其獲福豈有涯哉

道光丁未桂月上浣前知雲南楚雄縣事聶光謙
謹序

重刊敬灶章弁言

竈之為神昭昭也。人何於竈昧昧也。不然宜忌汚柴穢
灶臭器烘灶童溺辱灶畜肉厭灶婦女惡灶踐踏凌灶
禽毛獸骨入灶也。尤宜忌越灶逐雞擊灶叱狗震灶怒
罵對灶哭號就灶逞兇繞灶飯粟棄灶置塗泥陳灶張
卧席臨灶咒咀悖灶糊行詈讐敵証鄙攘也。更宜忌惱
祖親灶右怒長上灶前諛倫分之人於灶旁謗骨肉之
輩於灶側當灶反目暴灶鼓鉗憑灶毀師尊向灶怒晴

雨諸凡不敬之狀也。毋如風頹俗靡，弊習濡深，昧者皆然。恬不知悟，其得罪於至切至近，召戾於大分大倫，時遭困阨，非不多多矣。豈知察人善惡，司人禍福。灶君權衡賞罰不爽，雖聰童慧女，助爨厨日，尚先誠以鑒察。是懲况若夫之愚而頑，婦之蠱而慣，初未聞禁忌觸犯，違敬之咎耶。茲廣春林子所述敬灶八章，俾知灶君垂訓之教，宜其惕然惶然於切近而猛省矣。章中有案証為之勸戒箴規，有顯報為之藥石警醒，於焉家播戶

傳。烏得不痛改前非，惴惴然恐少遺諸行不敬之迹，冥罪於神，而顯罪於人，為懼夫然。灶君安天常順敬，而無失於至切至近，有以也。他若遠禱靈山，失敬妄異者，無論書之廣播識者，必謂神之昭昭，直使億萬方之婦子家人，昭昭也。因劉君曉堂、廖君卿雲、孫君樂文、郭君尚儒，繼重刻醒聞編，而復刊此廣傳，再序其功，並昭昭在人耳目間也。乃樂弁言於顛。

道光庚戌年季夏月朔日

東臯

謹識

敬灶章實錄原叙

古籍云善有善報惡有惡報莫言不報時日未到易云積善之家必有餘慶積不善之家必有餘殃余自

道光丁未歲進學因家貧舌耕為業供俸老母時年庚子有投學張世華者年方九歲頗聰明有過目成誦之慧父名文應其母劉氏家中畧有不甚富是年五月五端午之節合家老幼歡樂同飲因此子素不嗜酒是日飲了數盃因下棹時忽然仆地父母慌忙呼叫良久方

醒忽然躍身而起端坐於堂上呼劉氏曰快來跪下吾有吩咐父母聞言驚懼疑猜此子得了風病此子曰我非得病亦非汝子吾乃汝家九天東厨司命灶王府君是也因汝夫婦作事不良特來吩示於汝汝還不來跪下初時夫婦半疑半信劉氏勉強跪下此子又呼文應曰去請先生吳印川來與汝作証是時余聞即往見劉氏跪於此子之前余曰汝傷天理叫爾母跪於汝之前何事此子曰我非爾徒吾乃他家司命灶君也因

他夫婦屢屢作事不良特來訓誨於他汝雖凡夫作事忠直特呼汝前來與彼作証也余曰彼有何條請明示之灶君呼劉氏曰汝死期將至矣汝可知否劉氏伏地流淚曰愚婦不知天理哀懇神聖指示灶君曰吾不言汝豈得知爾因前世好善持齋專念阿彌陀佛閻君判爾轉劫至此又差此子前劫乃係露雲山悟道僧投為爾子後成名爾祿享誥封爾今昧失前根專好作惡第一在家不孝父母出嫁不敬翁姑姑患者疾常時

咒罵第二不敬天地神祇呵風罵雨拋撒五谷不念養命之源第三天有好生之德不念彼物貪生爾有疾病妄殺生靈第四每將小子厨中提尿提尿小子啼哭咒罵曲打恨嗔第五每置穢汚衣服灶門烘炕常將兩脚踏於灶門烘烤第六常在厨中纏脚雞毛犬骨穢柴床草入於灶內焚燒種種過愆多多難恕吾將爾所作之孽一一奏開天帝天帝惱怒即差火德星君限期於月之九日回祿汝之產業連爾亦被火焚燒魂歸陰

曹定罪也只因爾前日在娘家而回至一溪邊溪有深潭巖壑一穴忽有魚躍之波隨有小子手持礮子石灰一個忽然墮地爾即隨手拾起往那巖壑拋去不意次日溪水斷流眾皆齊集打撈岩中之魚豈知早被爾拋那石灰將魚逐散連蝦蟇全無一並跳脫此苦雖非爾有救魚之心實因爾有拋石之意豈知那神天有好生之德竟將爾拋石之事錄於功簿之上皆因爾有此不意之功特來告知於汝期則近矣是時劉氏嚇得渾身

打戰俯地哀求饒恕。文應亦跪下哀懇神恩赦宥。灶君曰：爾亦要替他哀懇。爾可知爾的罪否？文應曰：弟子乃是凡夫，未知何條是罪。何者是愆？恭望 灶君開恩赦宥。明明指示。灶君曰：汝雖未進儒門之學，也曾讀孔聖之書，不體聖人之德，違背聖人之教。古聖云：教子嬰孩，教婦初來，這纔是爾大丈夫治家之理也。劉氏初到爾家，爾不思管着，反被爾顛狂好慾寵愛，竟被你嬌養成一團惡性。既為男子，不思孝親，不守綱常，順妻逆

母，罪之一也。兄弟手足源同一體，絲毫忿爭，罪之二也。凡為伯叔，皆同父母，不敬反欺，罪之三也。親戚隣朋，宜相和睦，生事欺凌，罪之四也。凡為子侄，皆同骨肉，欺凌不顧，罪之五也。夫婦宜別教管子孫，癡情好慾，罪之六也。牛犬有功，此物宜戒，反好其肉，罪之七也。一切生靈，皆是性命，痴貪口腹，罪之八也。祖宗是你木本水源，不俸先靈，罪之九也。天地神祇，宜恭宜敬，呵風罵雨，罪之十也。凡人之罪，不過八九。爾夫婦之罪，十惡有餘，莫言

天曹地府不能赦免。就是陽間王法亦不能饒恕。這陽間的王法。或被爾欺瞞逃脫。那陰曹地府之糾察。豈有絲毫隱漏。每日間。虛空有糾察之神來來往往。探人善惡。錄人罪過。家中有司命灶君。主掌爾一家老幼男女性命。禍福災祥。每月三十日。吾上天曹。有善奏善。無善奏惡。善者降祥。惡者降殃。豈由爾任意乖張。自造惡孽乎。文應夫婦聽聞。嚇得魂不附體。伏地啼哭。哀懇饒恕。灶君曰。非吾罪汝。爾自己所造。天地不憐。吾何恕。

汝汝無寸功。吾將何言上達。

天帝耶文應哭告曰。神聖是弟子一家之主宰。又為一

家之福神。即為一家之父母。弟子之罪過。全賴神聖開

恩赦宥。弟子永世不忘也。灶君曰。汝亦知吾是汝之

父母也。既求吾饒恕。速將紙墨筆硯取來。吾有吩咐。文

應起身。將紙墨筆硯取來。將墨研起。灶君提筆。筆勢

如風。寫至雞鳴篇。完紙盡交。與文應視之。俱成章句。各

有條目。第一敬天奉神章。第二奉祖孝親章。第三和睦

六親章第四敬惜五谷章第五痛惜生靈章第六戒食
牛犬章第七敬惜書字章第八教訓婦女章文應看畢
灶君曰汝將此八章即請印川幫汝多多抄寫成卷普
行曉世依吾條訓大有其功爾夫婦須當速改前非行
持孝弟忠信仁義禮智吾當保奏

天帝與爾減罪消愆努力奉行終成善果也又顧印川
曰汝因前世敬惜書字所以今生得進儒門之學惟有
書字乃係天地鬼神之根聖賢祖宗之本三教聖人之

綱領敬惜書字者即如敬天奉神忠主孝親之善也不
惜書字者如欺天侮地欺君逆親之惡也少一字而書
不能成卷欠一筆而卷不能成章所以愛惜書字之人
神天喜佑也論汝之前根今生只有如此光景若欲來
生榮耀今世努力栽培將吾此章多多抄寫傳送勸得
一人尊依此章奉行者準記十功若有過者準免十過
若勸得十人尊依此章奉行者準記百功若過多者準
免百過凡有家長是吾此章時常解說與合家老幼男

女聽信者。準其家長增福延壽一紀。家門老幼清吉。人
物均安。又能抄寫努力相傳。族戚親朋均依敬信者。準
其家長求名得多。求利得利。所作皆成。諸般如意。家道
亨通。福祿綿遠矣。凡有鄉村市鎮。見吾此章。家家傳說。
信受奉行者。準此鄉村市鎮。不遭瘟疫水火盜賊之侵。
出入營謀。均沾利益。凡有各府州縣官員等。見吾此章。
曉諭士農工商軍民人等。遵依信受奉行。者準其各府
州縣等處。同享風調雨順。五谷豐登。瘟疫災遠。避賊盜潛

消其各府州縣官員等。高增祿位。子孫共享朝廷之福。
也。凡有見吾此章。將信不信。不誨不說者。非他不信。因
他前根淺薄。未結善緣。其一生作事無成。若能發心
體信奉行此章。亦能進步。由淺入深。終成善果也。凡有
見吾此章。不信而反毀謗者。亦非他毀也。因他前世無
根。惡孽深重。迷昧本心。所以今世見善而毀謗也。其人
家中多有暗遭令退災禍。不離貧窮困苦者。終無結果
也。汝等宜當努力奉行。無過者深進。有過者消愆。汝在

明中吾在暗處或勤或怠吾先覺也勤者錄功怠者錄
 過慎之慎之快去厨中洒掃焚香吾復位也文應夫婦
 忙去厨下打掃潔淨焚香烟燭安位叩謝神恩已畢來
 至堂前此子沉睡於檯上急忙呼醒此子醒時見先生
 在此忙下棹行禮言道先生何界至此余曰因汝昨日
 醉酒特來看汝文應夫婦見此子甦醒如常暗中稱奇
 真是神靈感化也對先生曰我夫婦造孽連累老師受
 屈真是可愧余曰何愧之有只因爾家根行不凡所以

神聖纔來感化余亦沾仗爾德又蒙神聖指示前根爾
 我須當努力奉行亦不枉神聖指點之恩也言畢遂作
 別回館正是神天不可欺起意神先知善惡終有報或
 早與或遲又曰人間私語天聞若雷暗室虧心神目如
 電矣是序

道光二十年歲在庚子仲夏月下浣日定遠縣廩生吳

印川棄俗投玄更號春林子謹錄

九天東厨司命竈王府君鈔示

鈔奉

玉帝勅旨改換人心轉禍為福事

鈔曰

吾係家庭竈府神君主宰性命
禍福攸分職司善惡凶吉窮隆

一月一奏。凡民吉凶。三官考較。毫髮不容。善者著吉。惡者著凶。吉凶已定。搢奏蒼窮。天帝覽畢。移至本宮。善者賜福。災禍不逢。惡者降禍。吉化為凶。知者醒悟。見善即從。愚者傲昧。造孽加致。

吾神上奏。觸怒蒼窮。特命誅戮。一掃成空。諸仙保奏。挽轉慈容。命吾顯化。回復天宮。因奉帝命。點化愚蒙。見者覺悟。吾即錄功。傲昧吾語。天律不容。前賢有訓。爾聽如風。此番錯過。萬劫不逢。


職奉九天勅旨糾察人間善惡
禍福災祥司命主案錄

司命竈君號

志心皈命禮

火德澤民賴以生上調飲食奉
雙親下奠饗殮滋壽命丹天世
界竈府衆神欲酬護佑猶未能
普具香燈伸寸敬虔誠懇禱容

竈君聖像



過愆迭我今稽首謝洪恩願保
 門庭多喜慶大悲大願大聖大
 慈赤皇上帝三炷火官洞陽大
 帝南丹紀壽天尊

凡許愿求福者宜將此號虔誠跪誦三便
 然後祈禱凡遇每月十四三十夜宜誦
 焚香合家老幼人等宜跪誦此號二便然
 後瞻拜化錢

神為司命姓傅曰張其字子郭五行書詳一家善惡不
為隱藏月晦之日惡奏上蒼善則降福惡則降殃歷來
靈異更覺昭彰前明俞宅除夕凄涼角巾皂服長揖登
堂指摘俞過俞愧非常力為改子得名揚國朝陳
姓女病臥床忽起呼父我及此王喝父長跪數其不良
將遭雷遣孩汗傍惶誓從悔過遂保平康後閱五載念
罔不滅鄉會聯捷名顯宦場尚多靈驗各處稱揚今墓
其像炳炳煌煌瞻仰生敬共滌心腸力行善事無怠無
荒必蒙黜相錫以嘉祥富貴壽考昌共可量
光謙謹贊

灶君聖誕

八月初三日

灶母聖誕

八月廿四日

新刻敬灶章目錄

東厨司命鈔示

司命灶君聖號

敬天俸神章

內附妄傷生靈怒怨天地教訓僧道

俸祖孝親章

內附久停不墓以及遷移更改

和睦六親章

敬惜五谷章

內附五谷出世根源

痛惜生靈章

內附求福二十四願

戒食牛犬章

敬惜書字章

內附金井套卦清醮符章

教訓婦女章

內附厨中禁忌規條

居家刮鍋忌日

內附不忌日期

淨意公灶神記

陳達忠自序敬灶篇

內附厨下禁忌十二條

靈驗記四則

刊刻敬灶章姓名

敬天奉神章第一

天地間發生萬物最難得這個人身既為人當存仁道這仁道屢劫源根第一件敬俸天地非叫你禮拜諄諄天地有好生之德能體貼便是存仁火之初性本良善因造惡昧失源根惡化為胎印濕化善轉作萬物之靈天地有愛人之意人要有愛物之心須念物原尚一體因造惡改變形情貪口腹將他廢命難道物不曉貪生皆因是不能說話負含冤任你施行肉被你煎熬煮炒

魂去見地府閻君。托含冤細訴。一便收入那枉死之城。
候你終三曹對審。償命債方報含冤。你吃他的肉四兩。
酌償他八兩有零。地府中絲毫不讓。早回頭改過自新。
他之痛猶似我痛。他殺我我亦呻吟。自此後依章教典。
體天地愛物好生。這就是敬俸天地。何須你禮拜持行。
愛生靈即為仁道。這仁道天地之心。切不可對北撒穢。
覩三光。久視欺凌。指流星對北涕唾。向北罵夜起。於身。
這都是褻瀆天地。違此訓。一世饑貧。

有等愚人。造口孽。呵風罵雨。怨神天。雨多又怨難行路。
風多又怨火不燃。晴久又怨難下種。陰多怨物晒不乾。
時逢夏令。怨暑熱。節當冬令。怨天寒。日每怨天把孽造。
天神降禍。自招愆。或是家中遭橫禍。或是老幼病纏綿。
出入營謀不遂意。祈神問卜去。求籤或是登山祈神保。
或是渡水把香燃。何神享祭來降福。何神敢佑天降愆。
求神不應。反生怨。菩薩也要撞人錢。自此神靈休輕信。
枉費銀錢去朝山。惡孽愆尤依然在。無處解釋這冤愆。

若知冤尤從何改。厨中炳燭把香燃。吾神是你人家主。求福解謝不費錢。悔過前非皈命禮。吾當把本奏上天。信受奉行章中語。天神賜福祿綿綿。

世之愚夫不信神不敬先靈。不奉真他言人死還歸氣。肉化清風骨化泥。豈知皮肉後天物。母之遺血父之精。一靈真性先天降。作為動靜是此靈。悟者栽培及涵養。成仙成聖又成真。栽培涵養功成後。職司護國與佑民。愚癡迷人他不悟。酒色財氣當了真。六慾七情迷真性。

忘了先天這點靈。貪嗔癡愛就為本。聖人教典毫不遵。孝弟忠信全不體。仁義禮智不體行。日每奔馳為名利。見善如惡惡臭噴。祖宗先靈他不奉。天地鬼神不奉承。亦無尊卑並長幼。目中無人自也尊。或逢年頭歲節至。怕人談論強奉神。香燭點在神臺上。站立說話不躬身。手在撕錢口在謔。心中別想有愚情。雖然人在把神敬。心在外想未歸身。口裡對神要祈福。人興財發要安寧。腹內屢積是惡行。神鬼見了舌頭伸。神靈似他平般輩。

站起吩咐是何情吩咐一場把錢他心想祭獻作何羹
搗頭好似雞撿米毫無恭敬亂胡行這種愚人吾丟下
最惡僧道不奉真身穿一件古衣服裝成就像出家人
日每吃的菩薩飯未效菩薩一點心經典皈戒全不曉
就似愚輩一般人粗茶淡飯還不要還吃五濁與葷腥
飛禽走獸牛犬肉魚鱉蝦蟻一並行死牛濫馬都在吃
還比惡人勝幾分無所不為都在造酒色財氣一休弄
鷄猪鵝鴨多多喂年頭歲節要殺性造孽作為都一樣

何分在俗出家人佛祖祖師能修行替天行道愛羣生
護國佑民功勞大建修菴觀把香焚雖然建設菴觀院
農工商賈也費心家毫功果都還易窮家小戶實可憐
男憑血汗助功果女憑紡織積善因齊家聚湊成功果
然後招接出家人他能修建造該坐一定招你為何因
你是舍了紅塵願一心體貼祖師行他因仰你有德行
燒香換水你心真他來祈福全仗你你與神聖一般人
既承獎仰自尊貴須效祖師佛祖心佛祖他替天行道

我當體佛愛生靈。祖師護國把民依。我體祖師不傷生。
佛祖人物同相映。我心與佛一般平。動靜作為依經教。
不枉出家斷俗根。絲毫不體出家相。就該還俗理凡情。
在俗作為由你便。不損因果半毫分。自你棄俗出家後。
祖宗血脉你彫零。祖宗陰靈懸懸望。望你成道度他身。
豈知出家把孽造。連累祖宗受苦情。在家好吃和懶做。
躲在廟裡去偷生。現成衣食安享受。經教理法不知情。
香也不會燒一柱。全憑點作祀香燈。初一十五不禮拜。

你想出家為何情。或因看破花世界。棄俗出家望成真。
早晚哀求祈懺悔。常常思念本來人。或因家中多病苦。
出家逃脫這一生。志心皈命求懺悔。免入幽司受苦情。
或因家貧難受苦。出家求食度此生。既經蒙賜衣食足。
依經教典莫胡行。各宜齋戒體大道。各持本願各修身。
早晚經典宜熟鍊。這纔方似出家人。無論僧道農工賈。
全憑虔念奉神真。讀書常把天神敬。早登科甲榜標名。
務農常把天神敬。禾苗豐收五谷登。工人常把天神敬。

一生衣祿不受負高賈常把天神敬財源茂盛發萬金
手藝常把天神敬各處相求手不停老人常把天神敬
世上人稱老壽星家長常把天神敬合家清吉享安寧
婦女常把天神敬脫去凡體觀音僧道常把天神敬
僧成羅漢道真人三教源流好經教各同經教奉神真
敬神儼如神在上志心皈命好金身各將本願對神表
神恩賜你各咸亨有種愚人本大話平生忠直不信神
惡言太把神欺渺他就比神外十分吾神雖為一家主

還奉上命把職巡閱聖帝君有垂訓心即是神神即心
無愧心處神相應有愧于心神不靈不信神處把心愧
何言忠直對聖真忠直乃是心之用心之主宰要通神
神明心正存忠直方為人心體天心既知忠直從中發
口言忠直莫斜行孝弟忠信從忠直仁義禮智合天心
用手摸心想一想何曾依樣照此行內忘親恩和手足
外絕往來故友親狠心鬼計把錢弄豈顧別人受饑貧
你不信神不須敬反出惡言退人心見吾此章即改悔

免入幽冥受苦情

俸祖孝親章第二

混沌開天地人三才並立

人秉受氤氳氣總得此身

祖傳父父傳子遺留骨血

為人子須當念本本水源

敬天地禮神靈祀奉先祖

吾非是呼你門早晚俸羹

不過是心念中存乎祖德

年頭節祖生期香燭紙錢

或貧窮或困苦前世未積

休怨祖無遺業連累子孫

第一件莫欺心安守本分

作為中須防彼辱罵先靈

俸祖先非論比富貴貧賤

要一般依此行家道咸亨

想人生在世間百行皆易。最難的報父母養育恩情。在母腹初秉受這些情況。為人子休忘卻苦勞深恩。有一種披毛人說話希罕。彼言親他好慈有甚恩情。這等人說此話應該天譴。枉在世受衣食人面獸心。古言道這人身是小天地。都全賴母腹中一生成。

一二月如珠露初生七竅。母飲食無滋味體倦沉昏。三四月如雞子次生筋骨。母晝夜魂飄蕩短少精神。五六月在胞中始生皮肉。母坐卧不安寧燥煩有生。

七八月在胞中排立五臟。母週身如索綁坐卧不安。

九十月五行全絕生胎髮。母昏沉如墮獄實難屈伸。

叫冤家怒為娘早降一刻。等為娘亦必受一刻苦情。

夫為妻在神前問卜許愿。或是男或女早早降生。

怕的是生產時不知凶吉。此情況與閻君紙隔一層。

時刻到鴻濛闢嬰兒下降。忽然間昏死了半响無聲。

甦醒時纔把兒用永溫洗。謝神天相保佑二世為人。

謝祖宗陰靈中同相感應。這一下吾門中有了後根。

故竈章

一卷 傳祖孝親章

今日懷明日抱，撓兒戲耍。
兒有病，母悲傷，甘身受贖。
或是兒撒了尿，移乾就濕。
或是兒常好哭，吵鬧難宿。
每日間，百般忙，先把兒顧。
兒足，硬立，蹬蹬時防跌仆。
雖然是母慇懃，撫養長大。
七八歲，請先生，總把兒訓。

兒哭泣，猶恐怕體不安寧。
每日間，顧饑寒，時刻担心。
或時間撒了尿，換洗不贏。
娘不怨，百般的巧弄兒欣。
或有負，不辭勞，加倍慇懃。
三五歲，痘疹過，稍放宽心。
還要父多方訓誨，乃成人。
會讀書，父母喜，常把兒稱。

富豪家要兒成，猶為容易。

貧窮家想兒成，費盡辛勤。

十七八，兒長大，完婚娶配。

回頭算，十八年，受盡苦辛。

為人子，到此間，須當墮泪。

可憐那父和母，這般恩情。

他為兒，受披星，所為那件。

無非是防已老，代勞動身。

有田地，和產業，都是兒受。

豈將來，親死後，送與別人。

親既老，你即如親之手足。

親之意，要何往，你即代親。

早晚間，要溫存，饑寒飽煖。

每日間，親言語，信受奉行。

親發怒，當讓他，低聲順受。

切不可，抵觸他，發怒生嗔。

每日問親所好須順親意。或何往或回歸先見親面。千萬言還叫君承順親意。親有病或請醫問卜恭敬。只要你親在時順得親意。有一等父母在可無可有。親死後或亭寄三年五載。請地師費銀錢他不惜吝。

親分示要何往即便就行。切莫令老年人常掛在心。學效親養育時待我恩情。或奠湯或送藥親奉茶羹。親死後即下土心亦安寧。全不報劬勞苦養育深恩。擇好期尋好地安葬親靈。望親骸保護他富貴家興。

又有的埋葬後三年五載。全不想在生時都不孝敬。豈不簡陰地好不如心地。親在時不孝他虧了心地。不孝親親受屈天神拆算。還不但人不安家中不順。過幾年兒長大他不孝你。你不信且看那簷前之水。

人不安家不順又要改墳。親死後望屍骸保你感亨。求陰地豈還有心地通靈。有好地葬不着枉費癡心。過惡滿受天殃你不知情。還有件希奇事吾說你聽。不聽說不聽教真寔惡人。尋舊跡無更改點不差分。

苟貴章 一第
還有等貧窮人把兒養大
或聰明或伶俐父母栽積
他長大會弄錢自稱能幹
好美味自己用不奉父母
母替娘在厨中巡茶造飯
父替兒常跑跳慇懃料理
親有病卧在床他也不問
或請醫或問卜他是不信

他忘卻劬勞若養育恩情
或讀書或學藝父母勞辛
成了家把父母當作傍人
好衣服自穿上那管雙親
就好比富豪家使喚之人
到好似看家奴未曾賣身
恰似那格外人與他無親
你說親是老病枉自勞神

親在床要茶湯不得到口
他夫婦和兒女房中歡樂
為人子手摸胸仔細思想
眼睜睜你父母恩情不報
還有等把自己看得太太
他教親吃些飯閑事少管
又有等好優遊出外貿易
他在外成了家忘卻父母

或走動要叅扶叫也無音
親房中冷清清好似孤人
你養子也還望孝順你身
他長大豈能够報你恩情
親與他共商量發怒生嗔
說的話不投機真是惡人
親在家倚門望時刻憂心
可憐親無音信也不知情

入有的把銀錢私妻愛子
全不想你身家俱從親得
又有等忤逆人為分家產
全不念劬勞苦反言偏愛
又有的將父母輪流供膳
想父母他是你生身根本
又有等為家貧不養父母
昔曹安為家貧殺子供母

父母用他各啻發怒生嗔
到後來子依樣照你奉行
或爭多或論少觸怒雙親
從今後把雙親當作仇人
刻定期分彼此絲毫認真
全要你供膳他分所當行
他說親未留得產業源根
他也要報劬勞養父母恩情

不孝處亦甚多吾難表盡
這種人盡都是忘根失本
待等他惡貫滿生遭刑戮
視古今諸罪苦還有赦免
儒釋道三教中同歸教孝
要成仙要成佛先孝父母
讀書人務功名先孝父母
天下人總歸於農工商賈

略略的題幾個說與你聽
雖穿衣和吃飯早入獸群
身死後入冥司罪報不輕
不孝親忘根罪天地不憐
三教人俱各有父母雙親
先有孝後有道孝道並行
上論言根本立然後道生
立得起這根本方是好人

那神天最愛的忠臣孝子
孝心動先賜你事事咸亨
但願得天下人個個盡孝
那神天護佑你世代光榮

和睦六親章第三

天地生人有六親六親之外即無親和睦六親神天喜
天賜福祿享遐齡酒色財氣迷真性癡貪名利不認親
一來一往爭鬪氣自家不認自家人或為是非口舌侵
或為絲毫起忿爭尊卑長幼都失序不知六親是何人
父母弟兄族與妻子孫朋友與我身此為六親皆和睦
不可忽恨及欺凌無知庸愚失天性除卻父母即無親
豈知伯叔和娘舊他同父母一般平敬他即如把親敬

豈可絲毫論卑尊。姑姨師尊和岳父。彼同親體一般平。
恭敬即如尊父母。誰言他體不似親。庚父親翁盟伯叔。
俱同父母一般平。絲毫忿爭欺父母。欺嫌即似不孝親。
交情違禮存恭敬。方為人子盡孝行。

時人兄弟論親疎。此是人間無義徒。表兄表弟和內弟。
一體同親。豈有疎盟。兄盟弟共憲。友親同骨肉。把事圖。
庚兄庚弟同師友。俱同兄弟一樣呼。叔牙分金念友善。
結盟同業共相扶。桃園結義三契友。親同手足創業都。

碧桃忍寒把友顧。角哀舍命把友扶。伯牙碎琴念友苦。
接親相待。豈言疎。無論親疎同相顧。莫謂絲毫失義途。
相親相契如手足。集賢台上把名書。

一男一女合天星。一坤一乾古到今。一陰一陽之謂道。
一夫一妻合五倫。愚人癡貧把慾戀。三妻四妾起忿爭。
親為結髮情不盡。是非反覆被欺凌。親恩手足情忘盡。
天地鬼神暗地嘆。族戚親朋都失義。終歸藍縷受饑貧。
三媒六証親恩聘。童子結髮是前因。男立三綱五常志。

女向三從四德行，共相同志把親敬。和諧創業立家聲，夫和妻順把子訓。克勤修省效賢人。

世人訓子不公平，偏性只愛子親生。兄弟之子孤貧苦，欺凌不顧手足情。若論親身同一體，異姓皆同一氣生。外男內侄同骨肉，姨表之子及結盟。與此一般同教訓，方為入父合天心。天地人物同相佑，我心待彼要相平。若得神天佑我子，親疎無論當親生。我俱一般相教訓，神天恩賜福星臨。

天地相成六合空，人生杳杳在其中。儒釋道中三教友，同歸一體判鴻濛。世之庸愚分教品，儒釋道教還同宗。士農工商各歸業，五湖四海不賓朋。既為一家分伯叔，兄弟分居不歸宗。族戚親朋都失義，各盤心勁定雌雄。可憐一般庸愚輩，迷蹤失跡在夢中。霹靂一聲來驚醒，同歸中道樂無窮。

我為一體湊六親，六親之外便無親。凡為六親皆同性，先天一體不分形。前世有緣方得遇，今生月下又為親。

父母一般當孝敬。凡為兄弟不欺凌。夫婦和睦無煩惱。
子侄同教家道興。隣朋故友宜相契。行盡天下不孤貧。
愚夫他把根源昧。夫妻兒女是嫡親。父母伯叔和兄弟。
他當可無可有人。豈知總是親骨肉。此親他是我源根。
外之親朋並故友。此親與我一般乎。內外相成是一體。
愚人昧失起忿爭。絲毫小事興詞訟。不念先天手足情。
常言天是大父母。人與天地骨肉親。爾與隣朋相爭鬪。
天地皮膚不安寧。子侄相論分彼此。天地腹疼上攻心。
人間夫婦不和順。天地血脉不均乎。人間夫婦不和睦。
天地手足不能伸。不報親恩不盡孝。天地昏沉患頭疼。
與此一般不盡道。屢結冤恨喪天真。六道四生都在轉。
因此越造越深沉。吾奉天命來點化。爾等依訓認天真。
六親人物同相契。家庭屢代出賢人。

敬惜五穀章第四

神農皇帝嘗百草始有救民接命根稻梁菽麥和黍稷
 一生全賴此養人人在胞中初秉受饑食母血長其身
 胎元既足離母腹饑食母乳長其形一週三歲離母乳
 全憑五穀養一生谷乃先天母的乳天宮降下養凡民
 谷種下田驚天地分發蝦蟇夜巡更猶恐惡毒泥虫侵
 分發蟬虫日夜鳴風伯雨師調雨澤時時灌溉長苗根
 五谷下田把天靠胡拋棄撒不心疼此是人間養命寶

一朝三飽不差分若然一殮微不飽即言無力少精神
 一生惟此不可少一朝無粮子不親看来谷米當愛惜
 能餓死人救得人惜谷即如孝父母拋撒即如不孝親
 不敬所以遭天譴一生衣祿總受貧不信但看求吃子
 倚門求吃過平生求得來時吃一盞還要遭罵受辱凌
 有等家貧衣食欠終朝勞碌過平生因他前世拋撒谷
 所以今朝受饑貧若論家中稍微有宜當谷米當為親
 常言積飯充饑飽積衣護體不受貧家中富有宜節儉

當思前世積善根，前世積來今世用。亦當痛惜莫胡行，不可將來肥牲畜。畜谷喂騾馬，天地嗔原將此谷養性命。任意拋撒不心疼，毀傷真本求假利。現成衣祿你不親，養猪無非圖糞草。不惜五谷受飢貧，厨中造飯宜檢點。天時冷熱要用心，寒天剩飯猶可用。暑天剩飯吃不贏，或是小兒撒了飯，慙慙拾撿顧本根。你敬惜他，他養你。一生衣祿不受負，切忌用米漿衣褲穢污谷米。病纏身，家中鵝鴨宜少喂，谷米墮地要心疼。家中只宜喂雞犬。

大守盜賊雞喚聲當節儉，處宜節儉看雞喂犬要心平。以上數條宜檢點，凡為家長要操心。敬惜谷米吾當佑，出入營謀事事成。前月朔會把朝進，途遇太白李長庚。他捧玉旨到雷府，吾觀罪犯是何名。另居約有十餘處，略表數案你們聽。一名罪犯吳親號，陝西同元縣裡人。開設皮房把米耗，約計積有數千金。每年耗米百餘石，米漿米粉遍地凌。玉帝惱怒加譴戮，短食餓死罪猶輕。又命雷將墳墓霹，將屍霹碎做曉行。房廊產業歸火部。

後人乞討受苦辛。因他太把米谷耗。魂歸地府受罪刑。
二名罪犯袁興發。湖廣漢口做營生。開設染房把米耗。
米漿刮布不心疼。損傷真本求假利。不思谷米救命根。
世人買去用水洗。水傾糞池把米凌。帝遣雷部誅興發。
房屋產舍一火傾。污凌谷米養命寶。魂落幽司受苦情。
三名罪犯胡蕭氏。丈夫出外做營生。日每造飯無檢點。
米飯落地不心疼。每將剩飯喂牲畜。喂兒不食遍地傾。
公婆眼見心不忍。開言訓教反侮凌。他說家興憑夫贈。

你無寸土湊家聲。日每無事吃些飯。無故搜管閑事情。
說得公婆無答對。啞口無言不做聲。丈夫歸來亦如此。
不思此米來路情。丈夫將他來教訓。他說公婆把事生。
忿怒房中尋自盡。連累丈夫受官刑。帝遣雷部將墳震。
屍首扯得碎紛紛。拋撒谷米兼不孝。魂歸地府受苦情。
四名罪犯楊天信。播賣漿粉過平生。別人買去漿襪褲。
如此遭踐不知情。天神震怒把眼廢。不知更改做別生。
帝命雷部將他遣。魂歸陰曹受苦情。谷米天地之精炁。

胡拋亂撒天地噴該誅罪犯難表盡畧題數案訓你們
見吾此章常常看開時無事教子孫老幼男女依此訓
子孫代代不受負

痛惜生靈章第五

天地間人身難得既為人當存善心這善心世人根本
仔細聽對你說明大學言知止在善能治國能致家興
家有善家門慶幸國有善天下太平人生來性本良善
貪口腹遂起惡心打鎗人他把孽造貪口腹銃打飛禽
那飛禽也有性命人共鳥畏死貪生鳥不曾吃你谷米
你將他送入幽冥雌受傷雄孤獨宿雄被打雌慘淚傾
他被你結果性命兒在窩望母回程打鎗人心何太硬

有何仇送他殘生他皆因前世作孽閻君判變作飛禽
你為人前世修善忘根本無故傷生比如你兒女夫婦
人拆散傷不傷情從今後莫結仇恨當顧本保惜人身
你痛惜物之性命天佑你福壽康寧

打魚人為圖衣食日每間造孽傷生且不思前世造孽
現今在受苦饑貧不回頭轉念修省到來世失落人身
百行中行行可做甘造孽天地不憐打魚人古今不必
盡都是絕子無孫那魚蝦與你何恨他又未害及於人

日每間水中遊戲活被你打撈送生有大魚拿回家下
小魚蝦倒在土坪可憐他水中之物受慘毒冤難伸
遭踐踏神天震怒所以你越做越貧還有等打撈鱖魚
拿上市買賣過稱或煎熬烹煮煨燥惟有蟻死得慘情
活叫你拿來一拌在頭上就是一針先破腹肝腸去盡
去頭尾真是可憐在田中晚朝北斗他為物不昧本根
遇了你這般慘毒他與你有甚冤情歷代中先賢古聖
有訓典莫妄傷生你也該聽得幾句也要學一個好人

那神天喜人悔過行人道改去惡心念他生即如我命
衣食足不受饑貧。

世上人貪圖口腹喂雞鴨造孽傷生或嫁娶生朝滿月
待賓朋宰殺生靈鋼刀响要命使換只聽得哀叫連聲
氣未絕一瓢滾水此情況真是慘情在厨中三炮兩炖
請客坐款待上賓有的說火功未到有的說其味不成
何不想物皆性命人與物共本同根他若是未變形体
又何妨共坐同行皆因他前世造孽因此上人物相稱

既為人天地並立須要體天地均平譬如那一苗草木
他不曾誅滅一根春雨灌夏天溫長使開花結子秋成
到冬來收藏土內等來春依舊發生天地心人物皆應
我何妨體貼奉行人與物皆是性命他傷我嗔也不嗔
為我生將他廢命當念他疼也不疼我摸胸將他比我
此關頭即是源根作為中依此關竅天地間一代賢人
又有等為着兒女或病苦造孽傷生眼巴巴為着兒好
求醫醫治宰殺生靈有的要將雞破腹有的要蒲鵠相因

有的說蝦蟆更好。此情況凶吉難明。你求生將他廢命。難道他不曉貪生。你怕死將他代替。他之死求你代。行手摸胸仔細思想。他和你一氣同生。皆因他前世造孽。閻君判改變形。情論生死痛苦一樣。他該死你又該生。要人安必行仁道。做好事是藥。皆靈勸諸君。趁早擊破。禍福關善惡。攸分發善心。愛惜物命。有神天佑你安寧。這便是轉禍為福。君不信。洗耳細聽。昔周坤為子痘症。聽醫生宰殺生靈。治畢後坤倦沉睡。忽聞門外犬吠之聲。

坤出外。四下觀看。見公差闖進門庭。坤疑惑。我有何事。那公差細說原因。我奉了大王之命。來叫你父子同行。坤言我父子無事。公差言有票在身。坤將票細看一遍。原為殺雞之情。坤看畢。往內便走。那公差隨後即跟。見他來。即忙躲避。忽聽得哀哭之聲。驚醒時。方覺是夢。纔知道犯入幽冥。這正是悔之不及。只落得埋怨先生。早知是求福反禍。存仁道不傷生靈。有等人許愿求福。對神聖叩許殺生。這正是一般惡輩。

豈有賞惡的神靈。那神靈一派清氣。豈受得惡濁葷腥。
香燭紙隨你供獻。那神聖喜的心誠。或求福。直當許愿。
這愿字要從本根。這本根須從心地。心願發許。作何情。
或許愿。敬俸天地。或許愿。敬俸雙親。或許愿。不罵風雨。
或許愿。不侮神靈。或許愿。祀俸先祖。或許愿。不慢師尊。
或許愿。敬兄信友。或許愿。和睦鄉隣。或許愿。不忘恩義。
或許愿。不昧良心。或許愿。心行正道。或許愿。敬老憐貧。
或許愿。憫孤拔困。或許愿。不毀君親。或許愿。是道則進。

或許愿。非道不行。或許愿。受辱不怨。或許愿。受寵若驚。
或許愿。不欺暗室。或許愿。不談邪淫。或許愿。慈心於物。
或許愿。戒殺放生。或許愿。廣行方便。或許愿。正己化人。
愿亦多。我難表盡。隨你許。出自本心。這總叫許愿求福。
心願發。萬叫萬靈。豈是你胡行。乱道妄許愿。褻瀆聖真。
豈不聞。真武垂訓。非享祭。保你安寧。亦非是失禮降禍。
還要你。内存仁心。正是你有個心病。香燭紙。莫得回程。
未許愿。你就盤算。要祭禮。打得轉身。還是你貪圖口腹。

敬龍章
託神聖與你指名那神聖恩寬量大不與你惡徒見真
依禮法應該遭譴你求福宰殺生靈那生靈與你何恨
傷他命你來求生平素間不行好事神天怒災禍病臨
要求安須發心願神天喜保你咸亨妄傷生我難表盡
畧數條說與衆聽有根人一見醒悟自檢點信受奉行
癡迷輩見之傲昧這些事拿來認真他說那飛禽走獸
他生來原是養人他不信輪迴苦報他不信天地好生
這等人我有比喻治世的王法非刑這刑法亦教人受

難道打孝子賢孫盡打的凶徒惡輩又何曾打了好人
又如那禁監牢獄人人畏個個寒心他造來也叫人坐
禁監內幾個好人又好比雷聲隱隱人人聽胆戰心驚
盡打的逆天行道又打了幾個好人輪迴苦你言事否
這幾件難道虛聲勸迷徒休得昧傲吾見你造孽可憐
眼見你落在坑內愈你苦總把手伸急回頭少造些孽
免闖君罰變獸禽有根人除非未聽見此章觸目警心
悔前非時行檢點家老幼福壽康寧間或不隨意處

皆前世未結此因。從今後重加檢點。那神天賜你遐齡。癡昧人見者不信。皆因他前世無根。逆此章神天震怒。家不順。百事無成。見其生。不忍見死。聞其聲。不忍食羹。古聖賢已念生死。難道你物外之人。今上蒼嚴查甚速。日遊神時刻紛紛。糾察的人間善惡。吾一日一度奏呈。三官考人間善惡。豈有漏絲毫認真。上帝見惡多善少。加譴法速報奉行。連年中或遭水旱。賊盜起。各處受驚。或瘟蝗水火打侵。受饑荒。你不知情。見此章。即速轉念。

吾與你傳奏好音。上蒼欣回轉天意。享豐收。天下太平。

戒食牛犬章第六

世間人來來往往。為名利戴月披星。求名利須從根本。無根本何處去尋。此根本須從耕種衣食足。名利纔生。雖然是農夫栽種牛費力。鈔轉整平。從早間將牛趕出。那犁把重有千金。一步放。往前而走。使牛人風火雷霆。漫一步。就使鞭打可憐。牛惡血攻心。吃口草。持鞭便打。渾身上打得血淋。吃口水。開口便罵。害瘟牛。挨刀畜生。肚中饑無力。強走喉中氣。進出不羸。口吐涎。真是傷慘。

日當午。血汗通身。使牛人罵聲不絕。這般苦。誰個可憐。替人耕牛。受辛苦。人吃飯。牛吃草根。人穿衣。牛睡冷地。人享福。牛受苦。情夏天來。蚊虫叮咬。那一個念談一聲。受饑渴。不能言語。那知道牛的苦情。到冬來。寒風透骨。下霜雪。冷得鑽心。那一個還把牛顧。拖把草與他睡。眠有一等主人。賢惠。到冬來。加倍小心。牛背上披的袂。薦他把牛。百般慇懃。到春來。百種下地。他分咐草料要均。不吃草。多喂葫豆。吃得飽。有力。纔行使牛人。不必在打。

牛不走。那在高聲枷起他。由他緩走。何須用風火雷霆。他若是能會說話。爾也來試試重輕。你吃飯。知牛辛苦。他代替人受苦情。這衣食全靠他。贈那田土全靠他。耕若無牛。人皆累死。要知他耕種苦情。牛老了。氣力衰弱。買小牛。換替代耕。或有病。請醫調治。灌湯藥。加倍慇懃。牛死了。他也不賣。他將來埋在深坑。多與他燒些錢紙。但願他轉劫為人。這主人。天下少有。他免孫代代家興。神天佑。人興財發。名利正。衣食豐盈。有等人。他也不痛。

他說是還債畜牲。到冬來冷得打戰。也不念耕種苦情。到夏來。蚊虫叮咬。他也不用火烟勸。到春來。不知緊漫。由隨那使牛之人。吃不吃。也是一鈍。他只顧栽種認真。使牛人鞭扑打罵。也不念饑餓苦情。到雞鳴。趕出枷起。竟使到早飯。過身只說那帮工肯做。豈知那牛的苦情。他只知穿衣吃飯。那知曉牛受苦辛。這樣人。神天鑒察。使畜牲變性生情。不退擔。便是打滾。不跳圈。亂走。至使他心頭不愛。願減價賣與別人。人買去。偏偏好。

這情理變別不清。皆因他。不惜牲畜。遭冷退折報苦情。只說牛。他不還債。豈知那鬼神暗喚耕田人。痛念牲畜。那畜牲是你恩人。任你有良田千畝。莫得牛寸土難耕。有等人。狼心太狠。把老牛賣與屠人。全不念當年苦楚。只說牛力弱難耕。可憐他。一世報主。還只望賢惠主人。施五尺無用之地。身死後埋在深坑。這纔是有恩之主。也不枉。一世苦情。遇了你。這般慘毒傷天理。喪盡良心。全不想衣食他。贈只顧財。不念恩情。這等人。無恩無義。

神天怒。暗使家傾。非是那神天不佑。有衣食忘了舊情。有等人。口中說善。不吃人作事。憑心這衣食。皆憑牛贈。果算得一個恩人。他平生最好牛肉。把恩人拿來當羹。有等人。也在行善。說水牛一片苦情。他平生吃黃牛肉。這正是揮嘴巖鷹。那黃牛細嫩好吃。豈知那黃牛苦情。或駝炭。又還拉碾。或推磨。又把田耕。論黃牛一般苦楚。偏分說一片愚情。勸大眾牛肉當戒也。免得天神憾。嗔那耕牛。恩同父母。當念他。一世苦情。不思恩。反食其肉。

怎下得這般狠心。天地間有功之物，牛耕種，犬把夜巡，雞司晨，猫兇捕鼠，同守護你的家興。世之有農工商賈，俱各顧宅舍門庭，有黃犬他守門戶，賊盜侵不得進身，或親朋或友來到，先須要與你通明。到晚來，主人皆睡在床上，鋪軒連聲，他在外輪流守夜，緊護着財物金銀。有賊來，他先報信在門外，先咬幾聲，令你知謹防門戶。他護主，果算有情。或主人睡着未醒，齊相咬，不住道聲。你開門，他就接住，吠幾聲，親熱主人。或搖頭，又並擺尾。

前引路護主，隨身竟引到賊侵之處，你方知有賊來臨。他護主，趕賊去睡，他依舊各處巡更。雖吃你兩碗剩飯，日夜裡到處遊巡，他守門。有客來咬，開口罵，害瘟畜牲。或時間門路打睡，用腳跌，嗔恨不憐。雖挨打不記仇恨，痛未止，見主搖身，他報主。多般恩義，食他肉，果算無情。有等人說話希罕，他貿易未把田耕，這牛犬我等當食。他與我莫甚恩情，且不思貿易何事也。當從衣食為根，無衣食，賺錢何用。縱有錢，現受饑貧，有一等痴愚惡輩。

圖口腹將來當羹又有等胡言巧說吃了他方轉為人
那裡是願他轉世還是你饑鬼掐心全不念護家苦楚
爾真是狼毒獸禽堪口的滋味不少任你吃天地不嗔
這牛犬有恩報主你決要觸怒天神眼見得年荒歲薄
短你門衣食之根塵世上貧富不一富有的前世修成
今世有也宜要積眼睜睜跳在深坑窮須培富貴栽積
也免得來世饑貧見此章即速轉念須防備落在深坑
吾非是獨勸那個人人遵個個奉行吾喜的人人悔過
天神願個個回心你有善吾即奏善豈還有瞞昧你們
前賢俱遺有此訓你等見毫不驚心此一番吾奉上旨
再不休休怪不憐

敬惜書字章第七

人在世間有六恩。六恩以外具平分。儒釋道流三教友。六恩當報足為人。要知六恩何者是一者。天地蓋載恩。人從天地叅化育。陰陽二炁結成形。既有形体何恩及。二者日月照臨恩。人憑日月光華照。來往無處不光明。既蒙光照何恩及。三者國王水土恩。朝中有主不乱世。農工商賈得太平。住世清平何恩及。四者父母養育恩。父母生身劬勞苦。親心愛惜鞠養成。今得此身何恩大。

五者師尊教訓恩。知識禮義從師訓。尊卑上下得師明。蒙師訓後何恩及。六者書字開化恩。既得為人心蒙暗。全憑書字得開明。自從三皇治世後。東西南北數不分。龍馬負圖天地數。倉頡造字始得明。孔聖刪書定禮樂。仁義禮智從字生。無字書籍從何造。三教經典字刪成。人心昏暗從書闕。所以書字禮宜尊。書字之恩同天地。敬惜書字足為人。無知惡徒踐字跡。絲毫不敬昧本根。愚夫未讀還可恕。最惡不遇讀書人。貪名目每把文做。

要想獨占自為尊，不思聰明從何得。難道自小即聰明，亦因書字指點你。忘卻書字開化恩，你將書字胡拋棄。書籤墮地爾不憐，或將字紙口內嚼。撒在壁上到處傾，或將字紙包物件。或在枕上綉詩情，或在扇上題詩句。扇若壞時遍地傾，只顧你把詩文顯。豈知踐踏古聖名，或將字紙糊窻眼。或在毛房把字傾，或在書上把字寫。字上重字不分明，或在壁上題詩句。或在壁上毀師尊，或在壁上將人罵。或在壁上自書名，學館週圍都是字。

壁上寫得亂紛紛，或是此壁損壞了。壁泥墮地字污淩，無知將來就作糞。是你題詩喪了因，踐踏字處難表盡。畧題數款訓你們，你們都想求榮顯。豈知踐字失了根，字跡神天聖賢諱。難道讀書你不明，踐踏書字傷天理。天地難道你不尊，君親師命你不休。枉自讀書是愚人，見吾此章即速悔。也免天地聖賢嗔，從今惜字為根本。天地護佑爾成名，有等人死要路引。你將路引繫隨身，現今生前把孽造。若如此作更深沉，行善自有金童引。

作惡自有鬼神跟，何須苦苦要路引。天神判得甚分明，
屍水污穢聖賢字，罪上加罪罪不輕。陰陽書符貼棺木，
亡人衣服用印憑。金并書字將卦套，無故褻瀆欺聖真。
見吾此章相傳說，吾當保奏賜遐齡。有等年中設清醮，
書符號令請聖真。將符插在秧田內，一朝風雨即凋零。
田中屎尿糞都有，侵污符令罪不輕。見吾此章即改悔，
免得陰司受苦情。有等人家不敬字，殘書賬簿到處傾。
耗子拉來將窩攔，或剪鞋樣及污凌。或將字本作線疊，

腳帶拴錢欺聖君。或在碗盞書記字，其物損壞字污凌。
小兒衣帽將字繡，衣帽爛時作鞋蹬。婦女裏肚將錢帶，
裏肚繡字及書名。一般都是糊塗輩，褻瀆聖賢喪盡因。
見吾此章即改悔，免轉痴聾瞎廢人。從今見字當敬惜，
惜字猶如奉上真。使用物件休寫字，器物有字莫污凌。
有字器物傷損壞，或拋河內埋深坑。但逢有字休輕棄，
神天默佑享遐齡。

奇賞章


卷

五二四

長沙

過濾嘴香烟

湖南·长沙卷烟厂出品



CHANGSHA

香烟有焦油
吸烟气烟
吸烟气烟